

T6416/2233(3)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

印史卷之二

漢光武至漢獻帝 卷之二

古吳何通不達甫著

塔佛
圖書館



鄧禹

鄧禹字仲華南陽新野人
與光武同遊學禹知光武
非常人也光武安集河北
禹杖策往見光武即拜前
將軍破王匡定河東光武
即位拜禹丞相封侯建武
二年封爵侯

馮異之印

馮異字小異潁川父
馮異字小異潁川父
漢兵所就因歸之異
武遂遣官賜物行賜
更始布衣澤野偏將軍
破下邳平河東封侯

IN TRADES DEPARTMENT - HARVARD
UNIVERSITY - HARVARD UNIVERSITY
HARVARD UNIVERSITY
MAY 10 1911

印史卷之二

漢光武至漢獻帝

得二百零六人

古吳何通不違甫著

哈佛大學漢和
圖書館珍藏印



鄧禹

鄧禹字仲華南陽新野人

與光武同遊學禹知光武

非常人也光武安集河北

禹杖策往見光武即拜前

將軍破王匡定河東光武

即位拜司徒封鄼侯建武

十三年封高密侯



馮異之印

馮異字公孫潁川父城人

為王莽守城拒漢間出為

漢兵所執因歸光武說光

武急遣官屬徇行郡縣理

寇結布惠澤拜偏將軍從

破王郎平河北封陽夏侯

拜征西大將軍



王常

王常字顏卿潁川舞陽人
王莽末起兵與成丹張卬
入南郡號下江兵時漢兵
弱光武造常壁說以合從
之利常乃引兵與漢合更
始敗常詣洛陽歸光武拜
漢忠將軍封山桑侯



景丹印

景丹字孫卿馮翊櫟陽人
與寇恂等將兵從世祖破
王郎世祖卽位拜驃騎大
將軍封櫟陽侯會邾賊攻
破弘農丹時病帝召謂曰
賊迫京師得將軍臥以鎮
之足矣丹甫拜命尋薨



賈復

賈復字君文南陽冠軍人
爲漢中王劉嘉校尉更始
政亂辭嘉歸光武署爲破
虜將軍光武解左驂以賜
之從擊青犢復被羽先登
所向皆靡光武卽位以執
金吾擊破郾封膠東侯



伏湛

伏湛字惠公瑯琊東武人
九世祖卽濟南伏生也性
孝友以詩教授數百人更
始立爲平原太守時天下
驚擾而湛獨晏然教授不
廢吏人信向郡內以安光
武徵拜大司徒封陽侯



歐陽欵印



斑彪

歐陽欵字王思樂安千乘人自歐陽生至欵八世皆為博士世祖拜汝南太守政有異迹教授數百人視事九歲徵為大司徒以汝南事下獄諸生守關求哀者千人而欵已歿獄中
斑彪字叔皮以通儒上才傾側危亂之間行不踰方言不失正仕不急進貞不違人數文華以緯國典守賤薄而無悶容彼將以世運未弘非所謂賤焉恥乎何其守道恬澹之篤也



耿純私印



來欵

耿純字伯山鉅鹿宋子人更始拜車騎都尉王郎反世祖自薊東南馳純率宗族賓客二千餘奉迎悉燒其廬舍從平邯鄲破銅馬爵為通侯拜東郡太守百姓見思封東光侯
來欵字君叔南陽新野人父娶光武祖姑生欵光武拜欵大中大夫專使乎三國之間士大夫服其信義後攻公孫述乘勝長驅蜀人懼使刺欵欵自表稱舉而絕贈征夷侯印綬



臧宮之印

臧宮字君翁潁川邾人少
為縣亭長游傲率賓客入
下江兵中為校尉因從光
武破群賊數陷陳郟敵拜
輔威將軍與吳漢共滅公
孫述封朗陵侯



董宣印

董宣字少平陳留圉人江
夏有劇賊以宣為江夏太
守賊即降散坐慢陰都尉
免後特徵為洛陽令搏擊
豪強莫不震慄京師號為
臥虎歌曰枹鼓不鳴董少
平



馬武

馬武字子張南陽湖陽人
更始拜振威將軍與諸將
共攻王郎世祖拔邯鄲請
武置酒高會以漁陽上谷
突騎屬之力戰破賊封陽
虛侯武嗜酒敢言人短長
帝故縱之以為笑樂



岑彭

岑彭字君然南陽棘陽人
從河內太守韓歆會歆降
光武拜彭刺姦大將軍光
武即位拜廷尉建武二年
拜征南大將軍擊秦豐大
破之封舞陰侯伐蜀公孫
述使刺客刺殺之



衛宏

衛宏字敬仲東海人初九
江謝曼卿善毛詩以為其
訓宏從曼卿受學因作毛
詩序善得風雅之旨于今
傳于世



卓茂

卓茂字子康南陽宛人前
以儒術舉為密令數年教
化大行道不拾遺王莽居
攝以病免更始立為侍中
祭酒更始政亂乞骸骨歸
光武即位先訪求茂為太
傅封褒德侯



丁恭

丁恭字子然山陽東緡人
習公羊嚴氏春秋恭學義
精明教授常數百人州郡
請召不應建武中遷少府
諸生自遠方至者著錄千
人當世稱為大儒



馮勤私印

馮勤字偉伯魏郡繁陽人
長八尺三寸八歲善計光
武除郎中給事尚書帝曰
佳乎吏也由是典諸侯封
事莫不厭服遷司徒母年
八十每會見上詔勿拜曰
使勤貴寵者此母也

日

四

日

二



劉隆私印

劉隆字元伯南陽安衆侯宗室也聞世祖在河內追及于射犬拜誅虜將軍討李憲守南郡坐事免爲庶人明年以中郎將副馬援擊交阯封長平侯定封慎侯



鍾興之印

鍾興字次文汝南汝陽人光武召拜中郎將詔定春秋章句以授皇太子封關內侯興自以無功不受爵帝曰教訓太子及諸王侯非大功耶興曰臣師丁恭于是復封恭而興遂固辭



寇恂之印

寇恂字子翼上谷昌平人光武拜河內太守轉運給足軍餉建武二年封雍奴侯恂經明行修所得秩奉厚施朋友故人及從吏士時人歸其長者以爲有宰相器



宣秉

宣秉字巨公馮翊雲陽人修高節顯名三輔建武中拜御史中丞遷司隸校尉務舉大綱簡畧苛細秉性節約常服布被蔬食瓦器帝幸其府舍見而嘆曰楚國二龔不如雲陽宣巨公



耿弇之印

耿弇字伯昭扶風茂陵人父况守上谷弇說父約漁陽太守彭寵發突騎合軍而南及光武於廣阿遂從拔邯鄲更始令光武罷兵弇復勸發精兵以集大計光武大悅卽位封好時侯吳漢字子顏南陽宛人漁陽販馬自業往來燕薊間所至皆結交豪傑聞光武長者乃說漁陽太守彭寵寵遣漢將兵而南從光武拜偏將軍數先登陷陣光武卽位封廣平侯

吳漢



馬成

馬成字君遷南陽棘陽人世祖拜揚武將軍屯常山中山以備北邊繕治障塞自西河至渭橋河上至安邑太原至井陘中山至鄴皆築堡壁起烽燧十里一候北方無事封全椒侯杜林字伯山茂陵人博洽多聞初爲郡吏莽敗爲隗囂治書雖拘於囂而終不屈節林持弟喪歸囂旣遣而悔令刺客楊賢遮殺之楊見曰何忍殺義士遂去光武徵林官至大司空



杜林之印





宋弘之印

宋弘字仲子京兆長安人赤眉入長安逼弘弘投水佯死獲免嘗薦桓譚帝令鼓琴好其繁聲弘不悅召而讓之後帝復令鼓琴譚見弘失其長度帝怪問弘乃免冠自言帝改容謝焉



馬援之印

馬援字文淵扶風茂陵人說隗囂專意東方囂遣子入質會囂背盟帝用援計破囂十一年拜隴西太守破先零羗於臨洮入爲中郎將拜伏波將軍征交阯平封新息侯



鮑永之印

鮑永字君長上黨屯留人世祖徇襄城俊以縣亭長迎軍拜爲校尉從破王尋等封昆陽侯謚威侯



鮑永之印

鮑永字君長上黨屯留人事後母至孝更始徵遷尚書鄴射將兵安集河東更始以慚以其衆幸富貴悉罷之但幅巾詣河內帝拜永魯郡太守後遷兗州牧卒

臣

七

臣

二



嚴光之印

嚴光字子陵一名遵會稽餘姚人少與光武同遊學及卽位乃變姓名隱不見帝物色得之駕卽日幸其館光臥不起良久張目熟視曰士固有志何相迫乎遂去耕于富春山中



陰興

陰興字君陵光烈皇后弟其先出自管仲七世孫修爲陰大夫因以爲氏帝欲封興曰臣無先登階陣之功而一家並蒙爵土非制也帝嘉其謙讓卒子慶爲銅陽侯



李忠

李忠字仲都東萊黃人從世祖攻下屬縣王郎攻信都大姓馬寵內之收忠母妻皆寵弟從忠爲校尉忠殺之曰縱賊不誅是二心也誠不敢內顧會漢攻破信都家屬得全封中水侯



劉植

劉植字伯先鉅鹿昌城人王郎起植聚兵據昌城聞世祖從薊還乃開門迎降以植爲驍騎將軍從平河北封昌城侯討密縣賊戰歿

日

史

二



樊儵之印

樊儵字長魚南陽湖陽人父宏光武之舅也建武中諸王各招引賓客而儵清靜自保無所交結及沛王輔事發貴戚子弟多見收捕儵獨得免卒數年帝常追念其謹恪



井丹

井丹字大春扶風郿人通五經性傲未嘗修刺候人信陽侯陰就強致之設麥飯葱葉推去不食更設盛饌乃食就起左右進輦丹曰此豈桀駕人車耶就慚而去輦遂終隱不關人事



杜詩私印

杜詩字公君河內汲人爲御史格殺將軍蕭廣帝賜以紫戟遷南陽太守政治清平家室殷足時人比之召信臣故爲之語曰前有召父後有杜母



竇融

竇融字周公扶風平陵人早孤以任俠爲名更始敗推融行河西五郡大將軍事世祖西征隗囂融與大軍會於高平待以殊禮拜大司空竇氏凡一公兩侯尚三主四二千石



張堪之印

張堪字君游南陽宛人為
漁陽太守民歌之曰桑無
附枝麥穗兩岐張君為政
樂不可支視事八年匈奴
不敢犯塞去職之日乘折
轅車布被囊而已



韓歆

韓歆字翁君南陽人好直
言無隱諱帝不能容嘗于
帝前證歲饑凶指天畫地
言甚剴切免歸帝復宣詔
責之遂自殺歆素有重名
死非其罪帝尋悔以成禮
葬之



彭修私印

彭修字子陽會稽毗陵人
年十五父為郡吏與俱為
盜所劫修拔刀持盜盜義
而釋之



侯霸之印

侯霸字君房河內密人莽
初為淮平尹更始徵霸百
姓遮道臥留且戒婦勿乳
言公去決不能生全也光
武拜尚書令明習典故收
錄遺文每春下寬大之政
皆霸所建也

史記

二二



李善

李善字次孫涑陽人李元
蒼頭也元死孤兒續始生
數旬諸奴婢議殺續而分
其財產善負續逃隱親自
哺養及長白事輒跪續年
十歲乃歸告于吏悉收殺
之詔拜太子舍人



第五倫

第五倫字伯魚京兆長陵
人拜會稽太守禁止淫祀
百姓以安坐徵老少攀車
不得前遷蜀太守尋拜司
空裁抑馬寶外戚時人方
之貢禹然少蘊藉不修威
儀亦以此見輕



袁安之印

袁安字邵公汝陽人楚王
英謀逆拜安楚郡太守盡
出其誣服者時天子幼弱
外戚擅權每朝會及與公
卿言事未嘗不嗚咽流涕
上下皆倚賴之



承宮

承宮字少子琅邪姑幕人
少為人牧豕過徐子盛廬
下聽講春秋遂留門下為
諸生勤學不倦永平中徵
拜中郎將各播匈奴北單
于遣使求見宮以貌寢辭
乃以魏應代之



范式之印

范式字巨卿山陽金鄉人與汝南張邵友善訂期某年月詣邵邵如期候之不爽時刻無何邵死以夢感巨卿及葬柩不能舉俄而巨卿至執紼引柩而行修墳樹乃去



廉范私印

廉范字叔度京兆杜陵人受業于薛漢漢誅人莫敢視范獨往收之顯宗大怒尋赦之舉茂才拜雲中太守匈奴不敢入塞遷蜀郡太守不禁火民安作興五袴之歌



孔嵩

孔嵩南陽人變姓名傭為新野卒范式遷荊州刺史行部新野而縣選嵩為導騎式見下車曰子非孔仲山耶敕縣代嵩嵩曰侯嬴長守賤業晨門肆志抱關豈為鄙哉不肯去



朱浮

朱浮字叔元沛國蕭人為執金吾是時守宰數易浮上疏以為天地之功不可倉卒艱難之業當以累日而新舊相代疲勞道路非計也自是牧守易代頗簡



鄭衆之印

鄭衆字季產為人謹敏竇
憲竊威上下附和衆獨一
心王室不事豪黨帝親信
焉策勲頒賞每辭多就少
封鄭鄉侯宦者封侯自衆
始



鍾離意印

鍾離意字子阿會稽山陰
人嘗送徒河內解其桎梏
恣所欲適與尅期俱至無
或違者詔以張恢贓物頒
賜群臣意獨不受帝嘉其
清更以庫錢賜之



虞延

虞延字子大陳留東昏人
身長大力扛鼎除細陽令
每至歲時伏臘輒遣徒繫
歸家並感其恩德應期而
還遷洛陽令誅陰氏客馬
成常爲姦盜者後爲司徒
陰氏中傷之



閔仲叔

太原閔仲叔節士也雖周
黨之潔清自謂弗及焉建
武中應侯霸之辟至復投
劾而去客安邑日買猪肝
一片安邑令遣吏給焉仲
叔嘆曰豈以口腹累安邑
耶遂去客沛以壽終



荀恁

荀恁字君大太原人資財
千萬散與九族隱居山澤
匈奴寇廣武相約不入荀
氏間光武徵不至東平王
蒼辟而應焉顯宗問其故
對曰先帝秉德臣可得
不來驃騎執法臣不敢不至



郭躬之印

郭躬字仲孫潁川陽翟人
家世習法律元和中為廷
尉務在寬平決獄斷刑多
依矜恕條諸重文可從輕
者四十一事奏之皆著為
令子孫悉以治獄顯為公
侯侍御史三十餘人



寒朗

寒朗字伯奇魯國薛人守
侍御史考察楚獄憫株連
之寃上疏辨之帝怒促提
下朗對曰臣見考日在事
者莫不知其多寃無敢牾
陛下耳帝意解後駕幸洛
陽獄理出千餘人



賈逵之印

賈逵字景伯扶風平陵人
世受左氏春秋和帝時為
侍中內備帷幄兼領秘書
甚見信用然不修小節當
世以此譏焉



楊終之印

楊終字子山蜀郡成都人
習春秋年十三為郡小吏
太守奇其才遣詣京師受
業拜校書郎著春秋外傳
十二篇改定章句十五萬
言



班固孟堅

班固字孟堅彪子九歲能
屬文著漢書起高祖終孝
平新莽十有二世二百三
十年綜其行事旁貫五經
為表紀志傳凡百篇竇憲
征匈奴以固為中護軍憲
敗固死獄中



王喬

王喬河東人為葉令每月
朔望乘雙鳧來朝張羅得
之乃舄也一日從空降玉
棺于堂前喬沐浴寢其中
葬於城東自成墳是夜縣
中牛皆流汗喘乏百姓為
立葉君祠祈禱輒應



班超之印

班超字仲升彪之少子也
家貧傭書一旦投筆嘆曰
大丈夫當立功異域以取
封侯安能久視筆硯乎出
使諸國在西域三十一年
屢立奇功歸封定遠侯

印

三


印

二



班昭

班昭字惠彪之女曹世叔妻也世叔早卒兄固著漢書其八表天文志未竟而卒和帝詔昭成之數召入宮令皇后諸貴人師事焉號曰大家作女誡七篇惠子婦丁氏亦能文



鄭弘

鄭弘字巨君會稽山陰人少為鄉齋夫太守第五倫見而奇之召署督郵元和初為太尉倫為司空班次在弘下弘見之曲躬自卑帝為置雲母屏風後遂為故事



王充

王充字仲任會稽上虞人少孤鄉里稱孝好博覽而不守章句家貧無書就閱書肆一覽輒能誦憶遂博通眾流百家之言仕郡為功曹以諫諍不合去



孔僖

孔僖字仲和魯人自安國以下世傳古文尚書肅宗拜僖蘭臺令史元和二年帝自幸臨闕里大會孔氏男子二十以上者六十三人詔僖從還京使校書東觀閣冬拜臨晉令

目錄

卷

目錄

卷



崔駟

崔駟字亭伯涿郡安平人年十三盡通古今訓詁百家之言元和中上四巡頌帝嗟嘆謂竇顯曰公愛班固而忽崔駟此葉公之好龍也駟所著詩賦銘頌書記表等二十一篇



曹褒

曹褒字叔通魯國薛人父充持慶氏禮褒結髮傳充業博物識古為儒者宗傳禮記四十九篇教授諸生千餘人慶氏學遂行於世



魯恭


魯恭字仲康扶風平陵人為中牟令專以德化為理吏民信服郡國螟傷稼不入其境永初元年拜為司徒疏改大辟之刑盡冬乃斷後卒施行



淳于恭印

淳于恭字孟孫北海淳于人見盜竊其禾伏草中避之教孤幼有不如法反用杖自箠兒慚而感悟時遭賊寇力田如常曰縱我不得他人收之可也其盛德如此肅宗徵為議郎

卷之...
...
...



朱暉

朱暉字文季南陽宛人剛
于爲吏所拔用皆勵行士
吏人畏愛之歌曰強直自
遂南陽朱季吏畏其威人
懷其惠歲大飢盡散其家
貲以分宗戚故舊鄉族全
活者以千計



王惔之印

王惔字少林廣漢新都人
詣京師空舍中見一書生
病臥書生謂惔曰腰下有
金十斤願以相贈死後乞
藏骸骨未及問姓名而命
絕惔卽鬻一斤營其殯葬
餘金悉置棺下人無知者



樂恢私印

樂恢字伯奇京兆長陵人
初事河東太守焦永後遂
篤志爲名儒行不合已者
雖貴不與交爲功曹選舉
不阿請托無所容入爲尚
書僕射刺舉無所回避竇
氏中傷之



何敞

何敞字文高扶風平陵人
爲汝南太守疾文俗吏以
苛刻爲名故在職以寬和
爲本立春日分遣大吏按
行屬縣顯孝悌有行義者
舉寃獄以春秋義斷之是
以郡中無怨聲



鄧訓之印

鄧訓字平叔禹第六子少
有大志不好文學爲護羌
校尉鮮卑聞其恩威不敢
南近塞下



梁鴻

梁鴻字伯鸞扶風平陵人
家貧牧豕上林苑中遺火
延及他舍悉以豕償之不
足願以身居作後攜家變
姓名賃舂臯伯通廡下德
耀舉察齊睂伯通異之舍
於家卒葬於要離冢旁



徐防

徐防字謁卿沛國鉅人體
貌矜嚴周密畏慎以五經
久遠聖意難明宜爲章句
以悟後學帝下其議從之
屢遷太尉以災異賊寇策
免三公策免自防始



孟光

孟光字德曜年至三十不
嫁父問之曰欲得賢如梁
伯鸞者伯鸞聞而聘之推
髻布衣共入霸林山中樂
琴書以自娛作五噫之歌
顯宗求之與夫婦易姓名
居齊魯之間又去適吳



德曜

德耀孟光字



周榮

周榮字平孫廬江舒人辟
袁安府安舉秦竇氏皆榮
所具董客危之榮曰榮江
淮孤生蒙先帝大恩縱為
竇氏所害實所甘心嘗敕
妻子倘卒死奉母葬冀以
腐身悟朝廷也



張敏私印

張敏字伯達河間鄭人建
初中有人侮人父而其子
殺之者詔原其獄敏曰天
地之性惟人為貴殺人者
死三代通制今欲趨生反
開殺路一人不死天下受
敝願陛下留意帝從之
李恂字叔英安定臨涇人
拜侍御史使幽州所過皆
圖山川屯田聚落百餘卷
封奏肅宗嘉之復使西域
諸國各遺珍寶一無所受
後歸鄉里結草為廬織席
自給而已



李恂



高恢之印

高恢京兆人與梁鴻友善少好老子隱華陰山中及鴻東遊思恢作詩曰鳥嬰嬰兮友之期念高子兮僕懷恩想念恢兮爰集茲二人遂不復相見恢亦高抗終身不仕



高鳳

高鳳字文通南陽葉人鄰里有爭財者持兵而鬪鳳往解之不已乃脫巾叩頭固請曰仁義孫讓奈何棄之于是爭者懷感投兵謝鳳太守連辟不應以漁釣終於家



臺佟之印

臺佟字孝威魏郡鄴人隱於武安山鑿穴為居採藥自業州辟不就刺史執贄見佟曰孝威居身如是良苦佟曰佟幸得保全性命存神養和如使君夕惕庶事反不苦耶



戴封

戴封字平仲濟北剛人謁太學父母預為娶妻俟封還適送師喪到東海暫過拜親不宿而去仍還京師卒業同學石敬平卒以所齎糧殯殮送喪到家悉還其所遺書物官至太常



魏霸之印

魏霸字喬卿濟陰句陽人
為鉅鹿太守以簡朴寬恕
為政椽史有過先誨其失
不改乃罷之吏或相毀訴
霸輒稱他吏之長終不及
人短言者懷慚譖訟遂息



張霸

張霸字伯饒蜀郡成都人
七歲通春秋後博覽五經
舉孝廉為會稽太守人有
業行者皆見擢用郡中爭
厲志節習經者以千數道
路但聞誦讀之聲



劉寬

劉寬字文饒弘農華陰人
嘗出行有誤認寬駕車牛
者與而不校靈帝每見寬
常令講經於坐被酒睡伏
帝問太尉醉耶寬對曰臣
不敢醉但任重責大憂心
如醉帝重其言



韓稜之印

韓稜字伯師潁川舞陽人
竇憲與車駕會長安尚書
以下議欲拜之稱萬歲稜
正色折之議者皆慙而止
竇氏敗稜典按其事深竟
黨與數月不休沐帝嘉其
忠賜布三百疋



陳寵

陳寵字昭公沛國浚人家
世明法律寵明習家業兼
通詩書辟司徒鮑昱府為
辭曹掌天下獄訟其所平
決無不厭服衆心為撰決
事科條公府奉以為法仕
歷二郡三卿至司空



李尤

李尤字伯仁廣漢雒人以
文章顯和帝時侍中賈逵
薦尤有相如楊雄之風乃
召東觀作賦拜蘭臺令史
所著詩賦銘誄頌七歎哀
典凡二十八篇



黃香

黃香字文彊江夏安陸人
年九歲失母思慕悴惟殆
不免喪博學經典能文章
京師號曰天下無雙江夏
黃童後為尚書令帝知其
精勤寵賚甚盛年饑香以
所得賞賜悉頒贍貧者



劉珍之印

劉珍字秋孫南陽蔡陽人
永初中奉詔校定東觀五
經諸子傳記百家藝術整
齊脫悞是正文字又詔作
建武以來名臣傳又撰釋
名三十篇以辨萬物之稱
號云



葛龔

葛龔字元甫梁國寧陵人
以善文記知名永初中上
便宜四事拜蕩陰令著文
賦碑誅書記凡二十篇



陳禪之印

陳禪字紀山巴郡安漢人
為遼東太守匈奴憚其威
強退還數百里禪不加兵
但使吏卒往曉慰之單于
懷服遺以胡中珍貨而去



馬融

馬融字季長扶風茂陵人
才高博洽為世通儒教養
諸生常有千數坐高堂施
絳帳前授生徒後列女樂
弟子次以相傳罕有入其
室者惜乎為梁冀章草固
知識能匡欲者鮮矣



許慎之印

許慎字叔重汝南召陵人
少博學經籍馬融嘗推敬
之時人為之語曰五經無
雙許叔重作五經異義說
文辨字十四篇行於世



杜根

杜根字伯堅潁川定陵人
以言事觸太后收撲殺之
死而復蘇逃竄為酒家傭
鄧氏誅大赦詔錄其子孫
根方歸徵詣公車拜侍御
史



馮良

馮良字君郎南陽人年三
十為尉從佐奉檄迎督郵
恥厮役因壞車馬裂衣冠
遁至犍為從杜撫學妻子
求索見敗車死馬腐朽衣
裳以為虎狼盜賊所害發
喪制服十餘年乃還



周燮

周燮字彥祖汝南人抗節
不仕曰吾既不能隱處巢
穴追綺季之跡而獨依依
父母之國斯固以滑泥揚
波同其流矣夫修道者度
其時而動動而不時其得
亨乎年七十餘終



龐參私印

龐參字仲達河南人拜漢
陽太守郡人任棠遺以碓
一本水一盃自抱兒孫伏
戶下參解其意曰水者望
吾清也拔碓者要我擊豪
強也抱兒當戶欲吾卹孤
也由是果以威惠得民



矯慎之印

矯慎字仲彥扶風茂陵人少學黃老隱遯山谷因穴為室仰慕松喬道引之術年七十餘竟不娶後忽歸自言死日及期果卒後人有見慎於敦煌者



崔瑗之印

崔瑗字子玉駙之子習父業明天官曆數京房易傳六日七分年四十餘始為郡吏以事繫獄好學不倦後舉茂才遷汲令辟田數百頃視事七年百姓歌之



馬瑤之印

馬瑤扶風人隱於沂山以兔置為事所居俗化百姓美之號馬牧先生焉



張衡

張衡字平子南陽西鄂人
才高於世而無驕尚之情
嘗天下承平王侯踰侈廼
擬班固兩都作兩京賦以
諷諫精思傳會十年乃成

印記

三二



胡廣



左雄之印

胡廣字伯始華容人歷事
六帝一履司空再作司徒
三登太尉又為太傅其所
辟命皆天下名士年已八
十而心力克壯事繼母在

堂旁無几杖言不稱老京
師諺曰天下中庸有胡公

左雄字伯豪南郡人為尚
書令有工臣蹇蹇之節帝
封乳母宋娥為山陽君雄
諫曰先帝封阿母王聖造
讒賊廢立之禍今封山陽
君而京城地震宜還其封
以塞災異後果以交構夫



班勇之印



虞詡之印

班勇字宜僚超之子少有
父風以勇為軍司馬遷西
域長史悉平車師等六國
又發諸國兵擊匈奴車師
無復虜迹城郭皆安

虞詡字升卿陳國武平人
年十二通尚書辟太尉李
修府與鄧騭有隙遷朝歌
長故舊皆弔詡曰不遇盤
根錯節無以別利器遂單
車赴任設三科以募士賊
衆駭散咸稱神明

已

元

二



王逸

王逸字叔師南郡宜城人元初中為校書郎著楚辭章句行於世子延壽有雋才少遊魯國作靈光賦後蔡邕嘗擬作見之遂輟翰



來歷

來歷字伯珍歙會孫也少襲爵安帝乳母王聖誣譖太子歷詣鴻都門證太子無過詔詰責歷獨守闕連日不肯去帝怒免歷官順帝立舉朝稱歷社稷臣於是遷為衛尉



樊英私印

樊英字季齊魯陽人明五經善風角星筭河洛七緯推步災異隱於壺山之陽累徵不至順帝切責郡縣英不得已到京猶不以禮屈帝怒之而敬其名待以師傅之禮名最高毀最甚朗顓字稚光北海安丘人父宋善風角星筭六日七分顓世其業明經典勤心銳思朝夕無倦順帝時災異屢見條陳便宜七事拜郎中辭病不就



朗顓

郎中辭病不就



襄楷



霍諝

襄楷字公矩平原人博學善天文桓帝時大雨雹上疏以為刑罰急刻之所感也劉瓚成瑨志除姦邪而陛下嚴被譴讓憂國之臣將遂杜口矣尚書奏楷析言破律下司隸論刑

霍諝字叔智魏郡鄴人年十五奏記于大將軍梁商釋其舅宋光之獄諝由此顯名舉孝廉拜金城太守以恩信化誘殊俗甚為羌胡所敬服入為尚書僕射



應奉



陳龜

應奉字世叔汝南南頓人少聰明凡所經歷無不暗記為郡決曹史行部四十二縣錄囚徒數百千人及還太守備問之奉口說罪繫姓名坐狀輕重無所遺脫為司隸校尉以疾自退

陳龜字叔珍上黨泫氏人少有志氣拜京兆尹奮厲威嚴平理怨屈郡內大悅會羌胡寇邊拜度遠將軍既到職州郡重足震慄鮮卑不敢近塞歲省經用以億計

三二



張綱

張綱字文紀為侍御史詔

遣循行風俗綱獨埋其車

輪于洛陽曰豺狼當道安

問狐狸冀乃諷尚書以綱

為廣陵太守綱至收劇賊

張嬰等為良民綱卒嬰率

眾制服送喪負土成墳

周舉字宣光汝南汝陽人

拜并州刺史革龍禁之忌

風俗以安徽拜侍郎巡行

天下劾奏貪猾表薦公清

拜光祿大夫卒朝廷方欲

以為宰相深痛惜之賜錢

十萬以旌羔羊素絲之節



周舉



種暘

種暘字景伯河南洛陽人

為侍御史擢監太子中常

侍高梵從單駕出迎太子

暘乃手劔當車曰太子國

之儲副天命所繫今無詔

信何以知非奸耶馳奏之

暘臨事不惑帝亦嘉其重

荀淑字季和潁川潁陰人

荀卿十一世孫少有高行

博學而不好章句多為俗

儒所非名賢李固李膺皆

宗師之棄官閑居養志卒

有子八人並有名稱時人

謂之八龍



荀淑



楊震之印

楊震字伯起弘農華陰人年五十始仕不受私謁時遣使大為阿母修第震切諫不聽遣歸飲醖卒順帝卽位以禮改葬會葬者數千人有大鳥高丈餘集喪前悲鳴淚下葬畢乃去



朱穆

朱穆字公叔暉之子五歲有孝稱為冀州刺史部令聞穆濟河解印綬去者四十餘人祿仕四十年蔬食布衣家無餘財蔡邕與門人共述其休行謚為文忠先生



楊秉

楊秉字叔節震之子拜侍御史出為豫荆徐兗四州刺史計日受俸餘祿不入私門每朝廷有得失輒盡忠規諫多見納用性不飲酒所在以淳白稱嘗曰我有三不惑謂酒色財也



李固之印

李固字子堅漢中南鄭人正色立朝梁冀等飛章虛誣固罪冲帝不聽冀忌帝聰慧乃鳩帝說太后先策免固竟立蠡吾侯是為桓帝構誅固二子基茲皆死獄中少子燮

印史

三二



杜喬



何休之印

杜喬字叔榮河內林慮人
守光祿大夫使狗察兗州
表奏太山太守李固政第
一梁冀擅權喬多所糾奏
日忤於冀李固見廢羣臣
側足唯喬正色無回及清
河王蒜事起為冀誣死
何休字邵公任樊人為人
質朴訥口而雅有心思精
研六經世儒無及者以春
秋駁漢事六百餘條作公
羊墨守左氏膏肓穀梁廢
疾行於世




尹勳



段熲

尹勳字伯元河南人性剛
毅直方少時每讀書見忠
臣義士未嘗不投書而嘆
為尚書令延熹中大將軍
梁冀誅召勳部分眾職甚
有方略封宜陽鄉侯

段熲字紀明武威姑臧人
少習弓馬尚俠輕財折節
好古拜破羗將軍凡百八
十戰仁愛士卒疾病者親
自贍省身為裹創在邊十
餘年未嘗一日蓐寢東羗
悉平



韓康之印



邊韶

韓康字伯休京兆霸陵人
賣藥長安小女子皆知其
名遂遜入山桓帝備禮聘
之亭長以韓徵君當過發
人修道橋及見康乘柴車
至以為田叟也使奪其牛
康即與之因遜逃以壽終
邊韶字孝先陳畱浚儀人
以文學知名教授數百人
拜大中大夫著作東觀著
詩頌碑銘書策凡十五篇



范丹



魏桓之印

范丹又名冉字史雲外黃
人慕梁伯鸞閔仲叔之為
人桓帝議以為侍御史因
遁於梁沛之間推鹿車載
妻子捃拾自資有時絕粒
閭里歌之曰甑中生塵范
史雲釜中生魚范萊蕪
魏桓安陽人桓帝時數被
徵其鄉人勸之行桓曰夫
干祿求進所以行其志也
今後宮千數其可損乎厩
馬千羈其可減乎左右權
豪其可去乎使桓生行死
歸於諸子何益哉遂遁去



姜岐之印

姜岐字子平上邽太守喬
玄召岐不就玄怒敕督郵
尹益收岐殺之益不可玄
怒搃益益諫曰岐少修孝
義棲遲衡廬鄉黨歸仁名
宣州里實無罪狀益故敢
以死爭也玄乃止



周勰

周勰字巨勝舉之子杜門
絕交時梁冀貴盛被其徵
命者莫敢不至唯勰前後
三辟竟不能屈隱處竄身
巷生荆棘十餘歲至延熹
二年乃開門延賓宴樂及
秋而冀誅年終而勰卒



申屠蟠印

申屠蟠字子龍陳畱外黃
人家貧傭為漆工味道守
真不為燥濕輕重不為窮
達易節召為主簿不受乃
絕迹於梁碭之間大將軍
何進必欲致之勸諭百端
終不答



爰延

爰延字季平陳畱外黃人
性質慤少言辭令史昭以
為鄉嗇夫仁化大行遷侍
中帝問延曰朕何如主對
曰中主陳蕃任事則治黃
門預政則亂可與為善可
與為非帝比之朱雲云



皇甫規印

皇甫規字威明安定朝那人為將立功還督鄉里既無他私惠而多所舉奏又惡絕宦官不與交通遂下吏太學生張鳳等詣闕訟之會赦還家黨錮獄起恥不與上書自陳天下賢之



史弼之印

史弼字公謙陳留考城人為平原相詔書下舉鉤黨弼獨無所上詔旨迫切曰青城六郡有黨何平原獨無對曰水土異齊風俗不同他郡自有平原自無胡可相比活者千餘人



黃憲叔度

黃憲字叔度汝南慎陽人世貧賤父為牛醫潁川荀淑遇憲于逆旅叔竦然異之揖與語移日不能去郭林宗曰叔度汪汪若干頃波澄之不清滯之不濁不可量也



裴瑜

裴瑜舉孝廉侯覽誣奏史弼檻車徵瑜送之崤澗之間大言於道旁曰明府摧折雲臣足以垂名竹帛願不憂不懼弼曰誰謂荼苦其甘如薺昔人刎劉九死不恨卒與魏邵等脫弼獄



魏邵之印



戴良私印

魏邵舉孝廉史弼下詔獄

邵毀變形服詐為家僮贍

弼弼受誣奏當棄市邵行

賂侯覽得減死時人或譏

之陶丘洪曰昔文王姜里

閔散懷金史弼遭患義夫

獻玉夫何疑焉議迺息

戴良字叔鸞汝南慎陽人

母卒良與兄伯鸞同居廬

兄啜粥非禮不行良獨食

肉飲酒情至乃哭而二人

俱有毀容良才高倨傲議

論多奇州郡辟之遜入江

夏山中



陶丘洪



袁閔之印

陶丘洪見魏邵傳

袁閔字夏甫昔方險亂閔

散髮絕世欲投山林以母

老乃築土室四周於庭自

牖納飲食而已母常往視

兄弟妻子莫得見也黃巾

賊相約不入其間鄉人就

閔避難者皆得全



王暢私印

王暢字茂叔拜南陽太守前後二千石懼帝鄉貴戚多不稱職暢下車奮厲威猛糾發無遺豪右大震功曹張敞奏記諫之乃更崇寬政慎刑簡罰教化大行



趙岐之印

趙岐初名嘉京兆長陵人岐家屬為京兆尹唐玄所殺變姓名逃安丘孫嵩匿之藏壁中十年乃出拜議郎遷太僕詣劉表時孫嵩寓表表不為禮岐稱嵩素行篤烈岐以病留荊州卒



樂巴

樂巴字叔元魏郡內黃人遷豫章太守郡土多山川鬼怪小民恒破產祈禱巴悉毀壞淫祠剪理姦巫妖異頓息拜尚書坐黨錮還家上書極諫理陳竇之寃帝怒下詔切責遂自殺孫嵩事見趙岐傳



孫嵩私印



郭泰之印

郭泰字林宗太原介休人
辟太常舉有道名震京師
後歸鄉里送者車數千兩
與李膺同舟而濟衆賓望
之以爲神仙焉林宗善人
倫而不爲危言覈論故宦
官擅政而不見傷也



劉陶

劉陶字子奇潁川潁陰人
梁冀專權陶遊太學上書
不報後徵諫議大夫復上
書言當今天下大亂皆由
宦官由是宦官共讒陶下
黃門北寺獄掠按日急陶
遂閉氣而死



黃瓊之印

黃瓊字世英江夏安陸人
歷官太尉與梁冀爲忤冀
誅首居公位舉奏州郡素
行貪汗至死徙者十餘人
海內翕然想望風采旣而
五侯擅權廼稱疾不起



李膺

李膺字元禮潁川湘城人
性簡亢無所交接拜司隸
校尉尅殄元惡諸黃門常
侍皆鞠躬屏氣不敢出宮
省時朝綱頽弛膺獨持風
裁以聲名自高士有被其
容接者名爲登龍門



景毅

景毅蜀郡人爲侍御史子顧爲膺門徒時膺門生故吏俱被禁錮而顧未有錄牒故不及于譴毅慨然曰本謂膺賢遺子師之豈可以漏脫名籍苟免遂自表免歸

毛欽見李篤傳



毛欽



李篤

李篤外黃人張儉於命主其家外黃令毛欽操兵到門篤謂欽曰張儉何罪公忍執乎欽撫篤曰伯玉恥獨爲君子足下何自專仁義篤雖好義明廷今載其半矣欽歎息而去



夏馥之印

夏馥字子治陳留圉人聞張儉亡命歎曰孽自己作空汙良善一人逃死禍及萬家何以生爲乃自剪鬚變形入林慮山爲治家傭弟靜追餉之不受曰奈何載禍相餉乎



何顥

何顥字伯求南陽襄鄉人與陳蕃李膺善亦被收捕乃變姓名匿汝南間與袁紹為奔走之交嘗私入洛陽從紹計議為諸名士罹黨事者求救援設權計使得逃免甚眾



范滂

范滂字孟博汝南人少勵清節後以黨事捕母曰汝今得與李杜齊名死不恨矣滂跪受教顧謂其子曰吾欲使汝為善則惡不可為使汝為善則我不為惡行路聞之莫不流涕



賈彪之印

賈彪字偉節潁川定臨人黨事起陳蕃爭之不能得朝廷寒心莫敢復言彪謂同志曰吾不西行大禍不解乃入洛陽說竇武霍諝等訟之桓帝以此大赦黨人卒以黨錮終于家



陳蕃之印

陳蕃字仲舉汝南平輿人少年閉處一室而庭宇蕪穢曰大丈夫當掃除天下安事一室為歷官至太尉與竇武共謀誅宦官未決而事洩王甫收蕃送獄黃門從官駟蹋跋蕃



朱震

朱震字伯厚陳留人爲銍令聞蕃死往收葬之匿其子逸於甘陵界中事覺繫獄合門桎梏震受考掠終不言故逸得免震初爲州從事諺曰車如雞栖馬如狗疾惡如風朱伯厚



荀爽

荀爽字慈明淑之子潁川爲之語曰荀氏八龍慈明無雙舉至孝拜郎中後遭黨錮隱於海上徵辟不應董卓輔政超拜光祿勳三日進拜司空見卓必危社稷將圖之會病卒



竇武

竇武字游平扶風平陵人長女爲桓帝后武多辟名士疾惡不通賄賂兄子紹卽改行遵教力救李膺杜密等於獄靈帝立拜大將軍以謀誅宦官自殺



鍾皓

鍾皓字季明潁川長社人與荀淑並爲士大夫所歸慕李膺常歎曰荀君清識難尚鍾君至德可師前後九辟皆不就



仲長統

仲長統字公理山陽高平
人性倜儻敢直言不矜小
節語嘿無常時人謂之狂
生荀彧奇之舉為尚書郎
每論古今及時俗事恒發
憤嘆息著論曰昌言其文
章足繼西京



許劭之印

許劭字子將汝南人與從
兄靖俱有高名好共覈論
人物每月輒更其品題故
汝南有月旦評焉曹操求
為己目劭鄙其為人不對
脅之劭曰子治世之能臣
亂世之姦雄操大喜



鄭玄

鄭玄字康成北海高密人
師事馬融質疑問義畢辭
歸融目之曰吾道東矣黨
事起杜門不出孔融表其
鄉曰鄭公鄉玄所注周易
尚書毛詩儀禮論語孝經
百餘萬言



王符之印

王符字節信安定臨淄人
安定鄙世孽而符無外家
世務游宦而符獨耿介不
同於俗以此不得升進乃
隱居著書三十餘篇以譏
當世得失不欲章顯其名
號曰潜夫論



何進之印

何進字遂高南陽宛人女弟為靈帝后拜大將軍與袁紹謀誅宦官事泄卒為張讓等所害



彌衡之印

彌衡字正平原人懷刺漫滅無所投唯稱孔文舉楊德祖餘子碌碌莫足數曹操慕衡衡素輕操操怒召為鼓吏本欲辱衡反為衡辱怒送劉表復慢表轉送黃祖復罵祖遂殺之



蔡邕之印

蔡邕字伯喈陳留圉人性孝母疾邕未嘗解襟帶不寢寐者七旬母卒廬於冢側有馴兔連枝之異董卓誅邕懷其厚遇不意言之而歎王允以其與逆也收付獄死縉紳莫不流涕



賈琮

賈琮字孟堅東都聊城人交趾反拜交趾刺史誅斬渠帥簡選良吏百姓以安為之歌曰賈父來晚使我先反今見清平吏不敢飯轉冀州刺史塞帷視事百姓凜然墨吏望風解綬去



皇甫嵩印

皇甫嵩字義真規之凡子

嵩既破黃巾威震天下却

閻忠之說人臣之義凜然

至於子酈梁衍之說咸棄

不用就董卓之徵將遂誅

之以子堅壽與卓素善而

免亦倖矣卓誅拜太尉卒

應劭字仲遠博學多聞拜

太山太守黃巾三十萬人

入劭界劭擊却之郡內以

安後遷都於許舊章堙沒

劭乃掇集所聞著漢官威

儀故事凡朝廷制度百官

典式皆劭所立



應劭



朱雋

朱雋字公偉會稽人好義

輕財陰脫尹端之罪而端

不知與皇甫嵩共破黃巾

封西鄉侯卓議徙都遷雋

為已副雋對使者曰副相

國非臣所堪遷都計非事

所急卒為郭汜所留死

張奐字然明敦煌酒泉人

遷安定屬國都尉匈奴率

眾歸降羗豪感奐恩德遺

以名馬金鏐奐曰使馬如

羊不以入廐使金如粟不

以入懷論功當封以不事

宦官卒以禁錮閉門不出



張奐



楊賜

楊賜字伯獻震孫也靈帝

時侍講於光華殿中遷光

祿勳肯有青蛇見御座軒

前虹蜺晝見嘉德殿上疏

極言內多嬖倖外任小臣

所致甚與曹節王甫等為

忤位至司空薨謚文烈侯

楊脩字德祖彪之子為曹

操主簿操忌其才遂因事

殺之操見彪問曰公何瘦

之甚對曰愧無日碑先見

之明猶懷老牛舐犢之愛

操為之改容

楊脩



楊彪之印

楊彪字文光賜之子也光

和中奏誅王甫天下快心

遷司徒關東兵起董卓議

欲遷都彪固爭不止遂以

災異策免興平元年復為

太尉李郭之亂盡節衛主

崎嶇危難幾不免於害

呂彊以宦者為小黃門再

遷中常侍靈帝時例封宦

者以彊為都鄉侯彊辭讓

再四因上言曹節等奸佞

徼寵疾妬忠良不宜妄授

茅土又請帝誅貪濁赦黨

人卒為諸常侍所構害

呂彊





傅燮



曹娥

傅燮字南容北地靈州人

為漢陽太守叛羌懷其恩

化並來降附時北地胡騎

隨賊攻郡城乃於城外叩

頭求送燮歸鄉里燮謂其

子曰食其祿不避其難吾

行何之遂臨陣戰歿

曹娥會稽上虞人父盱漢

安二年五月五日於縣江

沂濤迎婆婆神溺死不得

其屍娥年十四號慕思盱

哀吟澤畔旬有七日遂自

投江死經五日抱父屍出

元嘉元年縣長度尚為立碑焉



徐穉私印



王允

徐穉字孺子南昌人家貧

自食其力恭儉義讓所居

服德陳蕃特設一榻以待

之桓帝以安車玄纁徵不

至嘗私謂郭林宗曰大樹

將顛非一繩所維何為栖

栖不遑寧處乎

王允字子師太原祁人允

矯性屈意附卓卓亦推心

不生乖疑故得扶持王室

於危亂之中允見卓篡逆

已兆乃潛結呂布刺殺之

董卓將校多涼州人允議

罷其軍為李催郭汜所害



蓋勳

蓋勳字元固敦煌人拜討虜校尉靈帝召見問天下何苦而反勳曰倖臣子弟擾之董卓廢少帝時皇甫嵩精兵三萬屯扶風勳密約討卓會嵩被徵不能獨立不得意卒



李燮

李燮字德公初固旣策罷燮姊文姬豫藏匿燮有頃難作二兄受害文姬以燮告托於王成成送入徐州界令燮姓名爲酒家傭酒家異之以女妻燮遇赦還爲安平相遷河南尹



張升之印

張升字彥真陳畱尉氏人好學博覽而任情不羈意合者則傾身交結不問窮賤如乖其志好者雖王公大人終不屈從爲外黃令以黨錮見害



趙壹

趙壹字元叔漢陽西縣人恃才倨傲舉郡上計到京師司徒袁逢受計計吏數百人皆拜伏壹獨長揖而已逢望而畏之歛衽下堂執其手延置上坐與羊陟共稱薦之名震京師



趙苞之印

趙苞字威豪為遼西太守
迎母妻入郡值鮮卑寇郡
遂為所劫出母以示苞苞
以義不得私顧遂進戰母
妻為所害靈帝遣策弔慰
苞曰食祿避難非忠也殺
母全義非孝也遂毆血死
華陀字元化沛國醮人年
百歲而猶有壯容精於方
藥處齊不過數種針灸不
過數處若疾結於內針藥
不能及者乃割破腹背斷
絕腸胃湔洗疾穢縫合傳
以神膏多所全濟

華陀



王烈之印

王烈字彥方太原人多義
行里有盜牛者主得之盜
請曰母使王彥方知也烈
聞之曰盜懷恥惡必能遷
善遺布一端以激之後有
遺劍于路一人守而還之
問其姓名乃先盜牛者也
法真字高卿好學而無常
家博通內外圖典為關西
大儒太守欲以功曹相屈
真曰明府見待有禮故敢
自同賔末若欲吏之真將
在北山之北南山之南矣
前後四徵遂深自隱絕

法真





陳寔之印



荀悅

陳寔字仲弓潁川許人為

太丘長化民至於無訟黨

事起眾皆逃避寔曰吾不

就獄眾無所恃遇赦獨弔

張讓父喪故免於難在鄉

黨平心率物眾嘆曰寧為

刑罰所加莫為陳君所短

荀悅字仲豫爽之子年十

二能說春秋多所記誦尤

好著述獻帝時為秘書監

作申鑒五篇甚通達政體

帝好典籍常以班固漢書

文繁難省乃令悅依左氏

傳體以為漢紀



荀彧



臧洪之印

荀彧字文若淑之孫南陽

何顓異之曰王佐才也董

卓之亂聞操有雄畧去從

之操大悅曰吾之子房也

軍國之事皆與彧籌操錄

前後功表封為萬歲亭侯

後與操不合憂憤薨

臧洪字子原廣陽人曹操

圍張超急洪從紹請兵赴

難紹不從超死洪遂與紹

絕紹執洪洪瞋目數紹曰

袁氏世受漢恩不扶翼王

室多殺忠良惜洪力劣不

能為天下報仇耳紹殺之



陳容之印

陳容廣陵人在袁紹坐見紹欲殺洪起為紹曰夫仁義豈有常所蹈之則為君子背之則為小人今日寧與臧洪同日死不願與將軍同日生也紹并殺之



脂習之印

脂習京兆人與孔文舉善每見融剛直奏記諫之及被害許下莫敢收者習獨往撫尸號泣曰文舉舍我死吾何用生為操聞之大怒收習將殺之乃得赦



孔融

孔融字文舉魯國人年十六藏匿張儉事發與母兄爭死融由是顯名曹操徵為少府融見操雄詐中不能堪發辭多致乖忤山陽悵慮令祭酒路粹奏融罪過遂弃市妻子皆被誅



龐公

龐公者南郡襄陽人居峴山之南未嘗入城府劉表就見之曰先生苦居猷畝不肯官祿何以遺子孫乎答曰世人皆遺之以危吾獨遺之以安雖所遺不同未為無所遺也



司馬徽印



趙娥

司馬徽字德操有知人之鑒同郡龐公有重名徽兄事之徽詣德公德公出徽徑入呼德公妻子作黍云徐元直當至其妻子奔走共設須臾德公還直入相就不知何者是客也

趙娥龐清母娥父爲同縣人所殺而娥兄弟三人俱病故娥陰懷感憤潛佩刀候讐家十餘年後遇於都亭娥卽刺殺之詣縣自首縣長義之欲與解罪娥不肯自入於獄遇赦得免



左慈



荀采

左慈字元放廬江人少有神道在操坐多作怪異之事操欲收殺之乃卻入壁中不知所在復捕見於市市人皆變形與慈同復見於城陽山頭逐之遂變入羊群莫知所取焉

荀采陰瑜之妻十九而寡父爽以采再許同郡郭奕爽抱載之到郭氏歎曰我本立志與陰氏同穴不免逼迫至此與奕相見談論奕敬憚之不敢逼至曙而出采掩戶自縊而絕

蔡琰



蔡琰邕之女博學有才辨
妙於音律適河東衛仲道
夫亾無子與平中喪亂爲
胡騎所獲沒於匈奴左賢
王十二年生二子曹公素
與伯喈善遣使以金璧贖
之嫁與董祀

蔡文姬氏



蔡文姬琰字曹公問夫人
家先多墳籍猶能記憶之
否文姬曰昔亾父賜書四
千餘卷流離塗炭罔有存
者今所誦憶裁四百餘篇
乞給紙筆真草惟命於是
繕寫送上文無遺誤

白
史

三

